



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

Praxis istius exercitii in ipso Salvatore nostro

[urn:nbn:de:hbz:466:1-46004](#)

362 DE ELEVATIONE AD DEUM

helus linguam præ siti expromebat : verum cùm pedissequorum nonnemo illum vi abduxisset ad proximum viæ fontem, ut biberet, canis vix linguam aquæ intingebat, quin confessim oculos ad Herum dirigeret , utrum adhuc in conspectu esset , moxque ubi è conspectu abierat , festinantissime eum consecutus est, neque ullatenus, ut ulterius biberet, detineri potuit. ex quo magnus hic Religiosus ac verus spiritualis vitæ Pater hanc elicet considerationem : Si hoc animal tantoperè diligebat Herum suum ob frustillum panis, quem ei quotidie porrigebat ; quanto amplius diligere homo deberet Deum, à quo singulis momentis tot tantasque percipit gratias ac beneficia? Et si bestia ratione destuta tantoperè in deliciis habet præsentiam heri sui ; quomodo homines , ac præcipue Religiosi , non deberent amplius contendere , ut semper in Dei sui præsentia agerent ? Ac deniq; si bestia illa interhibendum intanto Solis æstu, cor, oculos & affectum semper habebat in herum suum tantopere defixum, ut plus de illo quam potu cogitaret, nunquid & nos corda nostra & affectus in Deum semper habere deberemus defixos ?

Hæc exempla sunt, quæ nos docere possunt, quæ ratione fructum ferre queamus ex omnibus illis, quæ videmus, omniaque, quæ in hoc mundo inferiore sunt, in sensum spiritualem atque interiorem convertere.

Praxis istius exercitii in ipso Salvatore nostro.

REi hujus instructionem per seipsum nobis dedit Salvator ac Dominus noster Christus

1012

stus Jesus. Etenim quid nobis innuunt omnes illæ parabolæ Evangelicæ prorsùs admirandæ, nisi quod ipse cunctas res creatas in sensum spiritualiæ attrahebat? Videlis, inquit, quo ardore homines inquirant thelauros: veri thesauri, quos inquirere vos debetis, in cœlo sunt. Videlis in horto vestro arborem infructuosam, ipsamque succidi jubetis, ut in ignem mittatur: ita & vos, nisi dignos æternæ vitæ fructus protuleritis, a terra viventium resecandi, atque in flammas inextinguibiles mittendi estis. Videlis palmitem à vite præciliū non esse aptum, nisi ut in ignem mittatur, ita anima à Deo suo divulsa non est amplius idonea nisi ut in igne infernali ardeat.

Videlis, qua ratione vitem suam amputet, ac superflua resecet agricola, ut fructum plus afferat: ita & vos circumcidere vos debetis, ac superflua cogitationum, actionum atque affectuum resecare, ut fructum omnis generis virtutum proferatis abundantiorē.

Videlis, qua diligentia & amore opilio ovem suam errabundam inquirat: multò ampliori curâ ac sollicitudine Deus animam à via salutis aberrantem revocare, atq; ad gregem electorum suorum reducere satagit. Videlis, quantopere filium suum diligt pater, ut etiam post plures helluationum ac perditæ vitæ annos ipsum ambabus ulnis excipiat, atque instruendo splendidiore convivio lætitiae ex reditu ipsius conceptæ specimina edat. Pater vester cœlestis omnino amore ardenter prosequitur peccatores ex toto corde suo ad pœnitentiam se convertentes. Videlis, quantopere suum tenetur

364 DE ELEVATIONE AD DEUM

neatur amare creditorem, qui ab ipso majorum recipit debiti remissionem. Ita vos eo debetis amplius amare Deum, quo plura peccata remisit. Demum quis vobis sancta perlegerit Evangelia, ipsa scatere advertet excellenissimis documentis ex rebus sensibilibus ductis: Ubi videlicet divinus Magister & Salvator noster Jesus Christus considerationes spirituales circa ea omnia, quae sub sensu cadunt, efformat. Id quod faciebat non solum, ut nos ad divinam hanc Philosophiam, quasi manuduceret; sed & ipse pro seipso per scientiam acquisitam hoc exercitio utebatur, et si modo infinitè ementiore ac divino. Quadam enim die Apostolis ipsum urgentibus ut manducaret, eo quod jam altæ in meridiem processissent horæ, atque ipse ex itinere multum fatigatus esset, ille respondit: *Ego eibum habeo manducare, quem vos nescitis. Mens cibus est, ut satisfaciam voluntatem ejus, qui misit me, ut perficiam opus ejus.*

Methodus utendi hoc exercitii.

EX iis, quæ diximus hactenus, facile est unâ ex parte intelligere excellentiam hujus exercitii, quia ipse Dei Filius eo voluit uti; ex alia vero parre illius facilitatem, quia ad illius usum nullâ opus est violentiâ aut capitis contentione, sed sufficit habere propositum ex omnibus faciendi fructum, quo concepto, corde esse debemus suaviter recollecto. Deindeque in eorum rerum, quæ occurserint, occasione formare debemus devotum aliquem conceptum, simplicem, non distortum, suavem non violentum, affecti-

*Quomodo
sit eleva-
tio cordis*